

Shakkii Qiyaamaa Qulqulleessuf-Kutaa 1

Description

Guyyaan Qiyaamaa shakkii akka hin qabne kutaalee darban keessatti irra deddebiâ€™uun ilaalle jirra. Ammas, shakkii sheyxanni namatti darbu balleessu fi qulqulleessuf irra deebinee ni ilaalla. Guyyaa Qiyaamaa fi wantoonni Guyyaa san adeemsifaman wantoota gara fuundurraatti dhufanii fi geeybii taâ€™aniidha. Seenan darbe akkuma nuuf geeybi (nurraa dhokata) taâ€™ee, wanti gara fuundurraatti dhufus geeybi (nurraa dhokataadha). Garuu wanta dhokataa ykn fagoo kana akkamitti beeknaa? Wantoota kanniin karaa lamaan beekun ni dandaâ€™ama. Isaanis; mallattoolee fi odeefannoo dhugaa (haqa) taâ€™eeni. Seena darbe irra caalaa isaa kan beeknun odeefannooni. Akkasumas, mallatoolenis ni beekna. Fakkeenyaf, seena Kaabaa yoo fudhanne mallattoo fi odeefannoona kan beekkamuudha. Jalqaba Kaabaa kan ijaare Nabii Ibraahim (nageenyi isarratti haa jiraatu) taâ€™uu odeefannoo dhugaatin ni beekna. Manni Kaabaa roga afre hanga ammaa jiraachuun isaa mallatoodha. Akkasumas, iddooleen seena bakka adda addaa jiran wanti tokko yeroo darbe keessa akka adeemsifame nutti akeeku.

Haaluma kanaan, Guyyaan Qiyaamaa gara fuunduraatti dhufu mallattoolee fi odeefannoo dhugaa qaba. Kutaalee darbe keessatti mallattoolee Guyyaan Qiyaamaa dhiyaachu agarsiisan ilaalle jira. Fakkeenyaf, addeessi lamatti baqaqu, ibiddi hijaaz irraa bahu, zinaan baayâ€™achuu, dubartoonni qullaa deemu, ajjeechan baayâ€™achuu, miila duwwaa fi tiiksen ijaarsa ol dheeraa ijaaruf wal dorgomu fi kkf.

Odeefannoona dhugaa Guyyaa Qiyaamaa agarsiisu immoo odeefannoo Rabbiin irraa karaa Ergamtootatin haala kitaabatiin nu dhaqqabeedha. Odeefannoona dhugaa kana Qurâ€™aana keessatti arganna. Odeefannoona kuni odeefannoo shakkii fi sobni gonkumaa itti seenu hin dandeenyedha. Rabbiin caalaa eenyutu dhugaa dubbataa? Rabbiin ni jedha:

وَالَّذِينَ ءَامَنُوا وَعَمِلُوا الصَّالِحَاتِ سَكُنْدٌ خَلُهُمْ جَنَّتٍ
 تَجْرِي مِنْ تَحْتِهَا الْأَنْهَرُ خَلِيلِينَ فِيهَا أَبْدًا وَعَدَ اللَّهُ حَقًّا وَمَنْ
 أَصْدَقُ مِنَ اللَّهِ قِيلَا ۱۲۲

â€œIsaannan amananii fi hojji gaggaarii hojjatan, fuunduratti Jannata laggeen ishii jala yaaâ€™an isaan seesifna. Yeroo hundaa achi keessatti hafu. [Kuni] waadaa Rabbii haqa taâ€™eedha. **Namni dubbiidhaan Rabbirra dhugaa taâ€™e eenyu?**â€ Suuratu An-Nisaa 4:122

Gonkumaa Rabbiin caalaa kan dhugaa dubbatu hin jiru.

Ilmi namaa hanga fedhe dhugaa haa dubbatu, guyyaa tokko dogongoruun soba dubbachuu dandaâ€™a nama Rabbiin eege malee. Dogongorri kunis kan uumamu hanqinnaa beekumsaa fi dandeettiti. Ilmi namaa wanta hundaa tokko tokkoon waan hin beeknef ni dogongora. Akkasumas, wanta dubbate san dhugaa taasisuuf dandeettin isaa hirâ€™uu waan taâ€™eeef wanta san osoo bakkan hin gahin kufu dandaâ€™a. Rabbiin subhaanahu wa taâ€™aala hanqinnaa fi dadhabbinna kana hundarraa qulqulluudha. Beekumsi Isaa wanta hundaa kan haguugedha. Wanta darbee, kan ammaa fi wanta dhufu hunda tokkoon tokkoon beeka. Akkasumas, wanta murteesse ykn jedhe bakkaan gahuu irratti dandeetti guutuu qaba. Kanaafu, *Rabbiin (subhaanahu wa taâ€™aala) beekumsi Isaa guutuu fi wanta hundaa kan marse waan taâ€™eeef, Guyyaan Qiyaamaa yoom akka dhufuu fi maaltu akka adeemsifamu ni beeka. Akkasumas, waan hundaa irratti dandaâ€™aa waan taâ€™eeef Guyyaa Qiyaamaa ni fida, wantoota Guyyaa san adeemsifamaniis bakkaan ni gaha. Kanaafu, eenyutu Rabbiin caalaa dhugaa dubbataa?*

Ilmi namaa wanta darbe namoota irraa odeefannoo argachuu dandaâ€™a. Garuu wanti gara fuunduratti dhufu takkaa mallattoon beekkama takkaa immoo odeefannoo dhugaa Rabbiin irraa ilma namaa dhaqqabeedhaani. Odeefannoon Rabbiin irraa dhufe ragaa hundarra cimaa Guyyaa Qiyaamaa agarsiisudha, Rabbiin yeroo hundaa dhugaa dubbataa waan taâ€™eeef. Sababni kanaa, Rabbiin wanta hundaa kan beeku fi waan hundaa irratti dandaâ€™aadha. Kanaa gadittis ragaaleen biroo akka jiran kutaalee darban keessatti ilaalle jirra.

Sheyxanni ilma namaa jallisuu fi ibiddatti isaan naquuf ragaalee kanniin akka hin fudhannee fi Guyyaa Qiyaamatti hin amanne isaan taasisa. Ragaan warrooni Guyyaa Qiyaamatti kafaran ittiin morman takkatiidha. Qurâ€™aanaa keessatti:

وَإِذَا نَلَمَ عَلَيْهِمْ إِيمَانُنَا بَيْتَنَا مَا كَانَ حُجَّتْهُمْ إِلَّا أَنْ قَالُوا أَنَّا تَوَبَّا بَأْبَأْنَا إِنْ

كُنْتُمْ صَدِيقِنَ
٢٥

â€œYeroo keeyyattonni (aayaatni) Keena ifa baâ€™anii isaan irratti dubbifaman, ragaan isaanii [kan ittiin morman], â€œYoo kan dhugaa dubbattan taatan abbooti keenya fidaa.â€ Jechuu malee [wanta bira] hin taane.â€ Suuratu Al-Jaasiyyaa 45:25

Ergamtoonni ykn warrooni gara Islaamaa waaman (daaâ€™iwwan) Guyyaan Qiyaamaa amma hin jenneen. Garuu â€œgara fuunduraatti ni dhufa, amanuu fi hojji gaggaarii hojjachuun itti qophaaâ€™aaâ€ jedhaniin malee.

Rabbiin akkana jechuun mormii armaan olii deebisa:

قُلِ اللَّهُ يُحِبُّ كُلَّ شَيْءٍ يُمِيتُ كُلَّ شَيْءٍ يَجْمَعُكُمْ إِلَى يَوْمِ الْقِيَمَةِ لَارِبِّ فِيهِ وَلَكُنَّ أَكْثَرَ

النَّاسُ لَا يَعْلَمُونَ
٢٦

â€œJedhi, â€˜Rabbumatu isin jiraachisee ergasii isin ajjeesa. Ergasii Guyyaa Qiyaamaa keessa walitti isin qaba. Isa keessa mamiin (shakkiin) hin jiru. Garuu irra hedduun namootaa hin beekan .â€™â€¢ Suuratu Al-Jaasiyyaa 45:26

Abbooti keenya fidaa jechuu malee raga biraa maal qabuu? â€œEeti, isinii fi abbootin keessan Guyyaa Qiyaamaa walitti qabamtu. Kanaafu hin muddaminaa.â€¢ Isaaniin jenna.

Tolee, karaalee shakkii Guyyaa Qiyaamaa ittiin qulqulleessan ilaalun dura mee wantoota Guyyaa kanatti akka hin amanne sababa taâ€™an haa ilaallu. Wantoonni Guyyaa Qiyaamatti akka hin amanne sababa taâ€™an keessaa gurguddoon lama.

1ffaa: Badii ykn cubbuu raawwachu. Badii addaa addaa raawwachun qalbii gurraachessuun ragaa ifa bahaa akka hin argine nama taasisa. Qurâ€™aana keessatti:

â€œGuyyaa san kijibsiiftotaaf ee badii isaanii! Guyyaa Murtii kanneen kijibsiisaniif. Namni isa (Guyyaa Murtii) kijibsiisu hin jiru, daangaa darbaa, dillaawaa hunda malee. Yeroo keeyyattonni Keenya isa irratti dubbifaman, â€˜Oduu warra duriiti.â€¢ jedha. Haa dhoorgaman! Wanti isaan hojjataa turan qalbii isaanii haguuge.â€¢ Suuratu Al-Muxaffifin 83:10-14

â€œGuyaan Murtii (Qiyaamaa) hin dhufuâ€¢jechuun kan morman namoota daangaa darbanii fi dillaawo malee eenyullee hin jiru. Namni kuni yommuu keeyyattonni (aayaatni) Rabbii isaaf dubbifaman, â€œ**Oduu warra duriitiâ€¢** jedha. Dhugumatti, oduu warra duriiti miti. Haqa akka aduu ifa taâ€™eedha. Garuu qalbiin isaanii cubbuun ykn badiin waan haguugamteef haqa fi ragaa kana hin argan.

2ffaa: Addunyaa garmalee Jaallachuu- namni yommuu jirenya addunyaa tana garmalee jaallattu, waan zalaalami keessa turu itti fakkaata. Inuma Guyyaan Qiyaamaa hin jiru jechuun morma. Qurâ€™aana keessatti seenaa ajaaâ€™iba suuratu al-Kahf:32-43 keessatti ni arganna. Seenaa san gabaabbinaa fi muraasa isaa yommuu ilaallu; namoota lamatu ture. Namtichi tokko kaafira, kan biraamimmoo muâ€™mina (nama dhugaan amane). Namtichi kaafiraa oyru inabaa (firii weeynii) lama qaba. Lamaan isaanitu mukkeen temiraatin kan marfamaniidha. Bishaan jidduu isaanii yaaâ€™a. Ooyrun tunniin firii kennuu itti fufan. Homaa hin hanqisan. Yommuu oyrun tunniin firii inabaa nama hawwisistu buustu, namtichi kaafiraa kuni namticha muâ€™minaatinakkana jedhe, â€œ**Anatu qabeenyan si caala, gosaanis sirra jabaadha.â€¢** (suuratu al-kahf:34) Dabalataan osoo lubbuu ofii midhee jiru oyru isaa keessa seenu fi qabeenya isaa ajaaâ€™ibsifachuunakkana jedhe, â€œ**Ishiin kuni gonkumaa ni baddii hin yaadu. Qiyaamanis ni dhaabbatti hin yaadu. Dhugumatti yoon gara Gooftaa kiyyaa deebifamee, iddo Deebii kan isa caalun argadha.â€¢** (suuratu al-kahf:35-36)

Argitanii! Kaafirri akkamitti qabeenya fi jirenya addunyaa tanaan akkatti gowwoomu. Garuu dhumarratti, qabeenyi isaa kuni jalaa bade. Gaabbidhaan ganaa (shanacha) lamaan isaa gaggaragalchaa akkana jedhe, â€œ**Yaa gaabbi koo! Odoo Gooftaa kiyyatti waa tokko dabaluu (qindeessu) baadhe maal qabaa!**â€¢ (suuratu al-kahf:42)

Kanaafu, namni qabeenya fi miidhaginna addunyaatin gowwoomun Guyyaa Qiyaamatti kafaru, dhumarratti ni salphata, hin milkaaâ€™u. Dabalataanis seenaa Qaarun suuratu Qasas (28): 76-82 irraa dubbisuu dandeenya. Qaarun qabeenya baayâ€™ee Rabbiin ni kenneef. Qabeenya Kanaan garmalee of tuule, badii adda addaa raawwate. Dhumarratti, Rabbiin isaa fi iddo jirenyaa isaa dachiin akka liqimsitu taasise. Hanga fedhan qabeenya fi humnaa haa qabaatan, â€œ**Edaa dhugumatti kaafiroonni hin milkaaâ€™anâ€¢** (Suuratu Qasas 28:82)

Akka dabalataatti, wantoota Guyyaa Qiyaamaa akka shakkan nama taasisan keessaa kan biroo, **beekumsa sirrii barbaadu dhiisu fi hojji gaggaarii hojjatan keessatti niyyaa Rabbiif qulqulleessu dhiisudha.**

Guduunfaa

âœŽ Seenaa darbe caalaa ragaaleen, mallatoolee fi odeefannoona Guyyaa Qiyaamaa agarsisan baayâ€™eedha.

âœŽ Seenan tokko mallatoolee fi odeefannoo dhugaa qabaatee haqa taâ€™uu isaatti namni tokko yoo itti amane, seenaa san caalaa Guyyaa Qiyaamaa mallatolee, ragaalee fi odeefannoo dhugaa qabuttu maaltu amanuu isa dhoowwaa?

âœŽ Namni yommuu badii adda addaa raawwatu, â€œGuyyaan Qiyaamaa ni dhufa moo hin dhufu?â€¢ jechuun shakkitti lixa. Badii hojjachuu dhiisun shakkii qulqullessa, qalbii ibsa.

âœŽ Namni yommuu miidhaginna addunyaatin marfamu, zalaalami waan keessa jiraatu itti fakkaata. Inuma Qiyaaman hin jirtu jechuun morma.

âœŽ Beekumsa sirrii barbaadu dhiisu fi niyyaa Rabbiif qulqulleessu dhiisun wantoota Qiyaama akka shakkan nama taasisan keessaa tokko.

Date Created

March 7, 2018

Author

admin